

3—3<sup>1/2</sup> ժամ ի հիւսիս Վաղարշակերտի. այս լեռան  
զագաթը կայ մի ուխտատեղի, ուր քրդեր կը յաճախեն,  
գերեզման մի, որ տաս քայլ երկարութիւն ունի: Շե-  
հիտներ (նահատակ) անուն մի լեռ ևս սորա արեւելքը  
կայ:

Բօզ—թէփէ.—Երկու ժամ յարեւելս Կոռխի,  
Ջրաբաշխի շղթային ուղղակի միջավայրն կը գտնուի,  
Վաղարշակերտի ի հիւսիս արեւելս 3 ժամ հեռուն  
բարձրացած է. դաշխի ամենէն լայն տեղոց ուղղու-  
թեան վերայ կը գտնուի, զագաթը 4—5 արտավար  
տարածութեամբ տափարակ վայր ունի: Այս լեռն  
խիստ բարակ շղթայով մի կցուած է Թէքէ բինէ<sup>1</sup>  
(նոխազանց վայր) հսկայ և զագաթը անտառապատ  
լեռան, որ կը գտնուի Բօզ—թէփէի հիւսիսն, հանդէպ  
(յարեմուտս) Կապուտայ, որ 2—3 թեւերը մինչև  
Երասխ տարածուած են:

Չամչէ.—Բօզ—թէփէի յարեւելս սակաւ ինչ ի  
հարաւ արեւելս շեղուած Ջրաբաշխի շարքին մէջ գտնու-  
ած լեռներուն ամենէն բարձրն է, որ կայ Կաղզուանի  
և Քարաքիլիսայի ուղղակի միջավայրն զագաթը ըն-  
դարձակ լեռնադաշտ, որ մեծ տարածութիւն բռնած  
է, ուր շատ անդամ վրանաբնակներ կը հաստատուին:

1. Սորա և Կապուտայ միջէն ջուր մի կանցնի. բաւական  
փաստեր ունի՞մ ձեռս կարծելու թէ այս տեղ է Արտագերից  
պատմական բերդը. որը Երասխի աջ ափից 3 ժամ բարձր  
կընկնի, որոյ արեւելքէն կանցնի Կապուտայ ձորն՝ իսկ արեւ-  
մուտքէն ի հիւսիս կերկարին քանի ձորեր, կը միանան Թէքէ—  
Բինէի բերդի արեւմտեան ոտքն քերելով կանցնի. Այս լեռն  
հսկայ անմատչելի է, զագաթը ընդարձակ տարածութիւն և  
հսկայ ծառներով պատած անտառ ունի, նաև պաղ պաղ աղ-  
բիւրներ: